

畿輔通志卷一百十六

略七十一 經政二十三

學校三
宣化

順德
廣平

大名

順德府

府學在府治西北唐時建元至元間重建明天順四年知府楊浩重修成化六年知府黎永明重建大成殿五楹東西廡各七楹邑人崔恭通判李觀重構明倫堂四齋正德元年知

府郭紕重建櫺星門登泮池

明王恩九記略順德府學廟我朝洪武初因元之舊而爲之者

也其後改作者再今知府臨海郭侯紕至詢於同知劉君王通判周君宣李君範推官孫君懋定謀修之乃屬諸訓導鹿忠生員黃欽等董其役門之高凡三丈瓦與蕭牆之飾皆琉璃柱之夾礎皆螭石又池與門之爲石梁二井於池東西以上水達池於門之南而東西向者爲二坊又爲祠於學宮之東三楹祀豫讓以下凡二十四人經始於正德丙寅八月越明年九月落成嘉靖五年知府于桂萬厯十一年知府王守誠相繼

修葺

府志

本朝雍正十三年知府朱鴻緒重修

教諭宅在名宦祠東

同上

訓導宅在崇聖祠後

同上

學額原額科歲試各取文童二十三名歲試取武童二十名

附唐山縣屯學文武各二名廩膳生四十名增廣生四十名

一年一貢

學冊

國士書院在學宮西舊爲龍岡書院明傅振商改曰連城知

府張延廷知縣朱誥重修

本朝順治十年知府朱國治知縣金漸重建又於講堂前建考

棚七十八間

府志

義學在府治前雍正二年建

雍正志

邢臺縣

縣學在縣治東南明洪武三年建後知府郭維王守誠知縣

康恕郝持相繼修

明康海記略臨海郭侯維知順德府之明年庶政修舉士民熙睦乃謀文化式崇禮

事命知邢臺縣康君恕修葺廟學俾偉俾廣以勸以翼明年三月績用告成夫邢臺之學自予癸亥之秋過而觀焉去年又觀焉曰何靡靡如前日也然見郭侯焉曰是非靡靡如前日者而已也是將已擴而宏焉偉壯而嚴焉者也有來自邢者吾如問斯學焉必曰侯且匍匐然靡甯也為語人曰守土者如郭侯而已可也職有所未舉則匍匐焉靡甯也順德之化其將有大興乎然而諸生請以成矣噫嘻盛哉康君雖力能從事使微侯在上亦已矣廟之制正殿五楹東西廡五楹大成門三楹戟門五楹學之堂齋號舍各數楹而接楨修飾皆百倍舊也諸生云舊廟稍與學舍偏匝今稍東遷之故能廣且宏焉外又作兩坊皆壯麗可輔可謂偉矣康君齊之陵人能篤信守已故能為侯助與康君謀者訓導黃錦嚴桂謀之而畫度營作終郭侯康君之委者生員柴瑄萬厯間知縣戴惠也其縣丞李釗與義官三人又掌役者云

朱詰王大受增葺

本朝知縣張重齡蔣昶高顯均修

雍正志

乾隆二年知縣徐時作

重修

縣志

教諭宅在學宮後

同上

訓導宅在教諭宅東

同上

學額原額科歲試各取文章十八名歲試取武童十五名廩

膳生二十名增廣生二十名二年一貢

學冊

社學舊在城五處明知縣朱誥建後傾圮司理方之翰查舊

址無存於四門環城內各建一處

縣志 明朱誥記略古者人生八歲皆入小學教之

以灑掃應對進退之節教之以人倫日用之常教之以孝弟忠信禮義廉恥之行小學之教曷可緩哉予治邢之明年既葺理黌序使諸弟子有所游息得肆力於學因意及此乃建社學五一在東關命曰居仁一在西關命曰由義一在南關命曰遵禮一在北關命曰養智一在城中命曰敦信蓋取義雖各因其方而參伍錯綜亦寓明倫之意云爾

義學在縣治西明知縣何岑葛映建後廢

本朝康熙十五年知縣申奇猷重建

縣志

一在霍樓村雍正二年

知縣戴天球建

雍正志

一在良舍一在蘇村一在董家溝一在

孔村一在長信一在辛莊一在先賢村一在路村一在崔路

一在南關一在河會一在石井一在西門內滄溟祠一在龍

門川一在路羅川一在漿水川一在稻畦川俱乾隆四年知

縣劉蒸雯建

縣志

學田共地一十六頃二十二畝五分明知縣何岑置

王可信有記

同上

沙河縣

縣學在縣治東南宋大觀初建明宏治四年城徙止留大成

殿十八年縣復舊治知縣張瑾重建

府志

嘉靖八年御史段汝

礪重修

據碑記補五祀為嘉靖

明崔銑記略沙河既復舊治閱二十有

禮弗虔是歲夏六月御史段子良臣行部見之歎曰百工成藝繁肆攸賴况土之業哉斯子衿所由作與語推官許廷議其新諸乃給餘帑百金役夫百人凡兩月告訖時知縣姚鍾民將廷議之命專使問記於余銑惟沙河瘠土也其俗儉其

民樸昔者先師孔子論禮也儉論質也野論仁也木豈文是惡哉將以世嚮道降僞滋巧勝竟遺君親終敦紀緒耶田屢登稼必磽木煩碩實斯靈醇化消長奚異於是爾沙民其見是於孔氏者乎段子名汝礪廷議名論吾豫大忠襄毅公之季子云

本朝康熙十七年知縣徐人龍修明倫堂二十六年知縣談九

乾修大成殿五楹東西廡各七楹及戟門泮池謹按縣志泮池舊本圓至

是始改爲李起元記略沙河學在雍正八年知縣杜憫重修縣治之異隅明興繕葺

補苴者蓋不一人率多因陋就簡日居月諸風飄雨蝕頽圯泐落庚戌之春杜公來蒞茲土下車首謁學宮見其荒蕪湫隘遲回悵望進博士弟子而詔之曰安侑之地觀瞻不壯則禮祀弗虔人心解弛則文風湮鬱誰實司牧而令若是於是慨然以更新爲己任顧此彈丸疇礫之區帑方罄縣會又旱魃爲祟抹死扶傷弗遑斯舉越二歲政通人和流移漸復憶厥始謀徬徨中夜首捐私俸若干緡閭邑官師士民間風慕義如子來趨俟諏日舉事躬臨畚鍤百授財用所斷版榦諸凡錢穀木石稻粟甄甄餽餽之屬鱗集雲湧首大成殿次兩廡次明倫堂次戟門次儒星門暨鄉賢名宦齋庫廨舍庖湍繚垣千甍比翼百堵朋興飛碧流丹連雲耀日雖基址無加於昔而規制爽垲壯麗巋然煥然較昔不啻天壤矣經始於

壬子三月落成於七月學博姜君劉君黠
斯盛美剏厥貞珉鐫勒顛末以風來哲
乾隆十四年知縣

孫鳳立補修二十一年知縣杜灝重建崇聖祠及名宦鄉賢

二祠張開泰有記道光十九年知縣溫世澤重修并重建忠義祠

明倫堂縣新志周若棠記略庚子夏五月余奉委署茲土
下車後恭謁聖廟自大成殿以至戟門櫺星門內外

鳩工庀材諸生督率其中罔不經營完繕更重建忠義祠禮
門義路以及明倫堂週圍牆垣約計其費不下一千五百餘

金是非守土者教養有術克得土心爲士者詩書是敦克通
大義固未能如此之踴躍赴公也因問司諭李公文峯司訓

趙公伯芝知係前任溫公雲嶠糾合紳士協力並舉不幸溫
公中道云亡未觀厥成余聞之再三浩歎不禁心焉傷之蓋

聖廟爲一方文運所攸關邇來沙邑登賢書者絳繹不絕使
棟桷損壞漸就傾頽祠宇荒蕪莫爲建置則無以妥安先聖

先賢卽無以肅人綱人紀安在士氣之克振乎今賴溫公與
李公趙公倡義捐修經始於仲春下浣告竣於夏中旬撓折

者易以梓材傾圯者增以瓦石漫漶者塗以丹雘煥然巍然
不數月而廟貌維新溫公李公趙公維持之力也余不獲倡

始於前幸繼溫公之後樂與克成厥終故
爲之紀其事而俾後之宰斯邑者得覽焉

教諭宅在學宮西北上同

訓導宅在學宮東北

同上

學額原額科歲試各取文章十五名歲試取武童十二名廩

膳生二十名增廣生二十名二年一貢

學冊

襄南書院知縣談九乾建久廢

詳傳鍾瑑碑記

温州書院在明倫堂後嘉慶十六年知縣傅鍾瑑建

縣志傳鍾瑑

記略邑宰之職勸農興教其大端也歲庚午余授沙河爲温州地蒞任後清心省事務在與民休息不敢謂盡養之事也而民若帖服於余余乃爲之進而議教考邑乘舊有縣令談公九乾所建襄南書院訪其地遺址無存蓋湮沒於荒榛蔓草也久矣余因闢地於學宮之北鳩工庀材創其事人悉踴躍趨役故不匝月而規模遂成聚諸生肄業其中召而誨之曰今書院卽古黨庠州序之學也人何爲而不學哉人之心至虛至明廣大無垠學焉而盡其量則可以究天下之故而制天下之事舜典言心而說命言學孔子於論語二十篇諄諄提撕宵此意也明乎此而三代以後諸儒之論不外是矣諸生唯唯而退今年春諸生肄業其中恐其久而就廢也請余文以記之余曰前所以誨諸生者盡矣復何言哉且人之好善誰不如我題曰新建温州書院余蓋仍談公之志也後之莅斯土者余亦將於是乎有厚望焉

社學在儒學東康熙二十年知縣徐人龍建二十四年知縣

余振鴻增修今廢

縣新志

義學一在城西北隅一在食膳鋪一在城北十里一在普通

鋪一在城南十里一在裕連店一在城南二十里俱雍正四

年建

雍正志

一在新城一在冊井

縣志

一在城三元廟

廟有腴田十一畝邑

人馬汝霖等呈請改爲義學額曰三元有碑記

一在顯德王村審神廟

道光十七年邑人宋顏舜

等呈請改爲義學額曰顯文卽以廟地百畝作脩脯

一在東葛泉村

邑人張榮等呈請以寺地畝作脩脯

額曰

一在上申莊

邑人方正直呈請以廟地畝作脩脯額曰宏文

縣新志

學田共地三十三畝

同上

南和縣

縣學在縣治東南明洪武九年典史李孝源重建永樂七年

知縣張英重修宏治六年知縣門甯陳世良相繼修

明王華記略順

德南和重修廟學成鄉貢士高堅走京師請於余曰邑治東南相距百步許舊有廟學肇建於洪武九年再葺於永樂十年歷歲滋久日就圯傾每大昕鼓徵春秋釋奠師生幾無以爲庇依而供祀事臨海陳侯世良來知是邑視篆之三日謁廟視學顧瞻靡甯慨然以修舉廢墜爲已任值歲祲民病未卽鳩工越明年歲豐民樂侯乃鳩工聚材首建大成殿五間崇三丈五尺而廣倍之深三丈廣之數而殺其一殿之前爲戟門若干間櫺星門若干間殿之旁翼以兩廡共若干間殿之後構明倫堂若干間堂之左右翼以兩齋共若干間其後爲饌堂爲神厨爲神庫爲習射之圃爲棲止之廬以間計者共若干撤故鼎新舉合程式塑宣聖及四配十哲之像與几簋簠籩豆壘爵之器几案帷幔之屬無不畢具經始於丙辰之春訖工於丁巳之秋高明宏壯聳觀遐邇蓋自邑有廟學以來未之有也侯又於每鄉設立社學爲之擇賢師以教民子弟若侯於南和可謂能盡教養之道而無愧於民之父母者矣故因堅之請爲書以授之 正德十六年

知縣劉璋重修

明呂柟記略南和順德府屬縣在府東二十里學在縣治東南明倫堂翼以文行忠信二

齋在大成殿北南面號舍四聯聯五楹在殿西西廡之西南面其前爲神厨庠門在櫺星門東正德庚辰吾陝中部劉君尙德率南和首理宮廟謂古今之制廟皆左學而南和廟門反出庠門之右諸生進自庠門循東廡東墉而北西遶殿之北墉南過西廡之西墉始至號舍自門距號可以里記若旦暮及午出入學遠周廟行日六里也劉侯開起鳳門於櫺星

門西爲夾道如東庠門之制其北爲門東面以通神厨而增修焉又其北爲門東面者四以通四號又其北盡第一號之地折而東作右角門在學甬道之西西面與右角門對以通齋及堂當第四號門之東開西角門於廟西序以適廟而對廟東角門扁東庠門曰騰蛟以對起鳳門而櫺星居其中不啻在學左也騰蛟門北亦作號四聯聯亦五楹皆南面如西號制入騰蛟門以適號其爲門西面者制亦如起鳳門北其東第四號之前匯水爲池以種蓮曰蓮池倉在文行齋之東第一號之北有墉焉以隔之倉北墉之北爲教官之署當明倫堂後之東堂西亦教官之署其南有隙地以屬西第一號自櫺星戟門至殿廡皆鞏甃傾甃棟榱吻瓦咸以次新黝堊之飾遍及齋序堂射騰蛟門外之東建興賢坊其西也建育才坊在起鳳門外之西又自城街至村落分建社學七十有八自是和之士有門易進有堂易升有室易入有齋易齊其心有號易考其業有夫子廟在中易問其道矣復以經立會會有長以會係籍籍有稽以籍定期期有課於是諸生駸駸然蒸義而薰教懷德而問記呂柟曰侯吾關中世家可謂愛縣如家愛士如弟子者與爲述緣起如此 萬曆十

四年知縣鄭懋詢重修

明鄭德溥記略南和國家三輔地有學舊矣歲久弗葺敝湮頽圯縣令鄭

君懋詢實始自太守王君守誠議繕新之兩君各蠲俸佐工邑薦紳士庶莫不樂助己張君延庭來代守白君第來代令又各蠲俸佐工乃卒役於是殿廡堂齋門寢祠庫以及師生廨號煥然改飾式麗以鞏而兵憲朱君正色又以學左地汙

• 泐築基構魁樓文昌祠於上經始於萬厯乙酉秋落成於戊子春終始蒞其事者余年友署教諭事張君憲明也訓導梁君瑞馮君垣寶同之越二年張君偕其新僚李君實王君炳遣使詣京徵余記且求所以詔多士者余故樂得而書之

天啓中邑人白儲瑤增葺

雍正志

本朝順治七年知縣高爾位康熙二十七年知縣樂霽吉四十

四年知縣李日彰重修雍正二年趙松建忠義節孝二祠

縣志

教諭宅在學宮西舊在明倫堂後因傾圯移建今地

府志

訓導宅在教諭宅西南

縣志

學額原額科歲試各取文童十八名歲試取武童十五名廩

膳生二十名增廣生二十名二年一貢

學冊

和陽書院在縣治東康熙十八年知縣葉青藜建

府志

乾隆十

四年知縣周章煥因察院舊署重建

縣志周章煥記略余既治和之十有二年始

能舉和陽書院而修建之蓋自余蒞任之初水旱相仍民多失業必求有以安全之而後可及於學舍也比年時和歲稔

己巳夏四月乃尋其舊基而昔之所謂書院者在縣治西
爲太僕寺行署今已作倉廩不可更矣爰進邑之紳士而與
之謀僉謂治東不數武昔爲御史行臺今雖傾廢而地勢闊
敞遺址可尋尙有堂五楹葺之可復完好就地肇建實爲允
宜於是鳩匠庀材募工赴役罔弗應者經始於孟夏中浣迄
十一月上旬講堂五楹東西學舍各三楹大門前房十一楹
先後告成施以丹堊仍顏其額曰和陽書院糜金六百兩米
百斛延師就館招諸生肄業其內捐置束金籌畫膏火規模
粗備又將增建前廳門垣物料已備適予調任吳川
事未及竟而去余於和人士不能不倦倦於懷也

社學在縣城藥王廟久廢一在大趙河頭郭村

同上

義學一在書院康熙十八年建一在城隍廟東雍正三年建

雍正志

乾隆十四年知縣周章煥重修

縣志

學田

平鄉縣

縣學在縣治東舊在縣治東南宋大中祥符時建大觀元年

重修明洪武七年知縣王藻移建今地

明吳沈記略平鄉古邢州地其地沃饒其

俗樸厚其人向義遭元季兵燹居民存者百無一二里巷蕭條屋廬焚蕩獨大成殿在荆棘草莽中洪武六年夏歸德王侯藻來知縣事下車首謁夫子廟見棟宇將就圯嗟咨弗甯且曰茲土僻隘不足以稱王居盍遷焉乃度吉壤於縣治左高亢平坦啓辟厥基越明年秋大熟乃會邑士韓德彰等告以改作皆應曰諾侯卽捐俸若干緡於是財者樂輸有力者願役經始於洪武七年十月明年八月竣事殿四楹門如之明倫堂兩廡及齋凡二十四楹殿塑文宣王及四配像十哲七十子與歷代大儒則皆繪之祀神有厨習射有圃泮池當其前杏壇築於後饌食有所寢息有室倉庫庖厨什物器用無不足之憂又移置宋元二碑於大門下示不忘其故也是役也皆出於王侯之經營與德彰等之贊助不以煩民侯旣去成其志者知縣李隄縣丞歐思奇也禮部副郎郭振邑人也與聞其事言之詳且請余文以刻於石洪武二十二年

記永樂三年知縣白彝正統六年知縣邱陵成化三年知縣

馬允中宏治十六年知縣唐澤各有增修正德十五年知縣

丁懲改建明倫堂及左右二坊

明崔銑記略正德庚辰秋九月丁侯懲作明倫堂高三仞

有奇凡五間闊丈有二尺深倍闊之四樹卧碑於東北隅每晨夕學官及諸生揖遜其間稽業析理丁侯時爲質之且助其費焉余聞丁侯之治平鄉築城也練卒也教民孝弟修先祀也而勸之以歌夫民者待上而興也故治民之道教爲急

夫家喻之難得而徧也人人而告之其受才異區而棘之則敗也故擇秀民焉聚之學宮以倡之夫登者至於巔止矣雖逸足弗能踰學者至於聖止矣雖上才弗敢叛帝命曰教以人倫敬敷在寬孔子曰立愛自親始立敬自長始學問之道取諸此而已矣諸生史大隆曰丁侯作學門於明倫堂者二作二坊於廟門右學門左作二坊者成先尹志也先尹者唐侯澤也嘉靖二十六年按院傅鎮重建兩廡及敬一亭併濬泮

池明傳鎮記略丙午秋予由恒山按衛故墟歷於平鄉既謁廟廟若堂棟瓦弗比垣宇就裂風雨時至神失焉依絃誦易位門廡而下其流頓不可勝道也予蓋病之廣平推官劉自強從予事於茲土乃率其師生謀先籍得邦人之義者與所築壇棄地合若干金使典史馬儒治之首及門門以內舊爲敬一亭隘或曰塞也今卜專所移之鑿其下爲泮池上通徒梁過之爲戟門歷階而上作廟翼翼兩旁爲廡廡五楹今拓爲七其後爲明倫堂爲存心養性二齋俾勿懷迤東與廟稍南爲啓聖祠祠固號舍參待未有以治也治其隙地築高爲臺亭其上以樹敬一箴蔽以屏垣義路夾行禮門中出其明年春縣令劉鎮者至適觀厥成使兩生行以告曰功落矣請記之石其諸好義以及羣執事姓氏刻之碑陰兩生者竇椿王隆慶五年知縣陳九疇萬歷時通判趙完知縣何允升策也

王應崇禎時知縣朱啓元江衍汶先後增葺

本朝順治十六年知縣唐衍敬康熙十一年教諭張鼎銓雍正九年知縣朱之璣乾隆四年知縣李時憲嘉慶四年知縣江淑桀各有修葺道光三十年知縣孔慶銓重修併重建忠義

節孝二祠

縣新志

教諭宅在學宮東

同上

訓導宅在教諭宅後

同上

學額原額科歲試各取文童十五名歲試取武童十二名同治四年捐修城工案內奉文永加文武學額各一名廩膳生二十名增廣生二十名二年一貢

學冊

書院因社學舊基改建

詳社學下

社學在縣治東乾隆四年知縣李時憲重建捐置膏火地九

十二畝七分六釐

有碑記縣志

同治三年知縣蘇性改建書院

縣新

志 八年知縣俞錫綱重修按地勸捐以備脩脯膏火縣冊

義學一在新莊雍正四年建雍正志一在田禾村一在馬莊俱

乾隆十三年知縣楊喬重建一在縣城馬王廟同治四年知

縣蘇性建一在董家莊一在張范村縣新志一在縣城南門內

同治九年柴口村生員張九韶等呈請該村公共鋪房改建

縣冊 魯僖記略不佞來守邢襄甫下車卽烝九屬博士弟子課藝之品其高下期以振起人文而邢郡爲魏文貞宋廣平故里文章氣節甲於畿輔而平鄉之文尤邁雋警拔爲入邑冠詢其人則皆義學生徒也詢其義學之設始自何日創自何人則曰邑民張之彥捐貲之舉也余撫掌曰異哉平民而有此舉哉或者其家素封乎則曰張氏累世單寒夫單寒之家何以克剏義學哉則曰張氏世有盛德爲鄉里推重教子讀書備極攻苦丙午歲平邑張令贈以兼金五十燈火資之彥不私爲已有居積十餘年得數百金遂從茲役焉不佞心儀久之逾歲巡歷平邑閱其鄉士遂登義學之堂而觀其弟子焉見其課程義有師課經義有師課句讀有師鄰封之禮鄉師鄉大夫黨正之所未及以佐 聖朝作人之雅化者也張氏之陰騭豈淺鮮耶余故題其額曰大陰騭事且爲